

Rapport dalla sessiun dil cussegl da vischnaunca dils 18-05-2020

Tractanda 1

Approbaziun dil protocol dalla sessiun dils 11-11-2019

Il protocol dalla sessiun dils 11 da november 2019 vegn approbaus en votaziun unanima cun engraziament.

Tractanda 2

Approbaziun dil quen 2019 dalla meglieraziun Schlans

Igl onn 2019 ha ei dau expensas totalas da frs. 573'331.- ed entradas totalas da frs. 504'563.-. Tier las expensas subtracta ei per gronda part da cuosts per la via Alp Schlans. Tier las entradas subtracta ei d'in aconto dallas subvenziuns federalas e cantunalas per l'etappa 12 e dalla davosa contribuziun dalla vischnaunca ell'altezia da frs. 208'563.-.

Las expensas totalas per igl entir project da meglieraziun da Schlans contonschan per la fin digl onn 2019 la summa da frs. 10'968'291.55. Las entradas da confederaziun, cantun, vischnaunca e privats muntan à frs. 10'682'432.15. Aschia seresulta pils 31 da december 2018 in surpli d'expensas da frs. 285'859.40.

Cun 15 : 0 vuschs approbescha il cussegl da vischnaunca il quen 2019 dalla meglieraziun funsila Schlans.

Tractanda 3

Quen communal 2019

- a) Orientaziun e discussiun
- b) Rapport dalla cumissiun da gestiun
- c) Approbaziun da quen e bilanza

Il president communal Dumeni Tomaschett presenta ils puncts impurtants dil quen communal digl onn 2019 sco suonda:

Il quen current siara cun in surpli d'entradas da frs. 444'002.-. Il gudogn avon amortisaziuns (cashflow) mutta à frs. 655'757.-. Igl ei vegniu investau net 1'565'843 milliuns francs. Il devet net dalla vischnaunca ei carschius per frs. 910'068.- sin totalmein 2'245'076 milliuns francs.

Per la presentaziun dil quen vegn surdau il plaid alla canzlista communal.

Il quen d'investiziuns siara cun expensas totalas da 3'090'635.10 milliuns francs ed entradas totalas da 1'524'792.15 milliuns francs.

Las grondas posiziuns secloman:

• Vehichel corp da pumpiers	frs.	118'283.20
• Sanaziun via Campliun	frs.	497'196.60
• Parcadi visavi la Cuort Ligia Grischa	frs.	113'336.15
• Sanaziun canalisaziun via Principala	frs.	322'517.50
• Maschina communal	frs.	230'000.00
• Sanaziun canalisaziun via Campliun	frs.	112'281.75
• Via Munt	frs.	1'375'593.80

Allas damondas che vegnan tschentadas ord il cussegli san suprastanza e canzlista rispunder per cumentientscha dallas cussegliers e dils cussegliers.

Il president dalla cumissiun da gestiun Marcus Alig rapporta davart la laver dalla cumissiun.

La cumissiun da gestiun ed il biro da revisiun recamondan l'approbaziun dil quen cun engraziar e dar scarica als funcziunaris responsabels ed als collaboraturs dall'administraziun.

Sin fundament dallas examinaziuns propona la cumissiun da gestiun:

- **d'aprobar il quen 2019 che siara cun in surpli d'entradas da frs. 444'002.30**
- **da dar scarica als responsabels dall'administraziun communal ed alla suprastanza communal admettend a tuts il meritau engraziament per lur buna laver e quitau per ils fatgs communals**
- **da dar scarica a tuts funcziunaris ed emploiai communals renconuschend la vasta laver prestada**

Cun 15 : 0 vuschs approbescha il cussegli da vischnaunca il quen communal digl onn 2019 tenor la proposta dalla cumissiun da gestiun cun resalva dil referendum facultativ.

Tractanda 4

Damonda d'in credit supplementar per la sanaziun dalla via Gravas

La via Gravas ha daditg contonschiu sia vegliadetgna. Quei cunzun era muort las malaura digl onn 2002. En quei connex ei vegniu reconstruiu il mir historic en fuorma da pez e la furt. La furt cun sia rinna per aua bassa segirescha gl'entir vischinadi da Pustget e prevegn da undaziuns.

La sanaziun dalla via Gravas ei gia vegnida tractandada en connex cun il preventiv 2020. Leu ha il cussegli respectivamein la radunanza communal condedi in credit d'impegn da frs. 350'000.-. Suenter projectar e scriver ora las lavurs ein plirs elements ch'eran tier il preventiv buca aunc clars vegni vitier. Aschia ei il perimeter vegnius engrondius viers la via Pader Placi ed il conduct d'aea tschuffa vegn remplazzaus ed integraus el tgierp dalla via. La furt existenta sto tenor la cumissiun da prighel dalla regiun Surselva medemamein vegni reconstruida, quei che caschuna differents cuosts supplementars. All'entschatta dalla via Gravas ei ina remedura dil mir da crappa medemamein quintada els cuosts da project.

Il cussegli da vischnaunca conceda cun 15:0 vuschs in credit supplementar da frs. 122'000.- per la sanaziun totala dalla via Gravas ed ina part dalla via Pader Placi. Vinavon conceda il cussegli da vischnaunca cun 15:0 vuschs in credit da frs. 92'000.- per la sanaziun dalla canalisaziun ella via Gravas.

Tractanda 5

Pusseivladad da tschentar damondas

Dalla pusseivladad da tschentar damondas vegn fatg diever.

Per il cussegli da vischnaunca

Il president

Wendelin Decurtins

L'actuara

Sandra Gautschi